

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 46. stav 4. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22, 14/22 i 18/22), na prijedlog Ministarstva za privredu, Vlada Zeničko-dobojskog kantona, na 8. sjednici, održanoj dana 16.02.2023. godine, d o n o s i

ZAKLJUČAK

o usvajanju Izvještaja o realizaciji Programa utroška budžetskih sredstava Ministarstva za privredu (Kapitalni transferi drugim nivoima vlasti - subvencije općinama za poslovne zone i druge projekte) za period I – XII 2022. godine

I.

Usvaja se Izvještaj o realizaciji Programa utroška budžetskih sredstava Ministarstva za privredu (Kapitalni transferi drugim nivoima vlasti - subvencije općinama za poslovne zone i druge projekte) za period I - XII 2022. godine, na razdjelu 18, budžetska organizacija 01, potrošačka jedinica 0001, koji čini sastavni dio ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 16.02.2023. godine
Z e n i c a

DOSTAVLJENO:

1x Ministarstvo za privredu,
1x Ministarstvo finansija,
1x a/a.



IZVJEŠTAJ
O REALIZACIJI PROGRAMA UTROŠKA BUDŽETSKIH SREDSTAVA
MINISTARSTVA ZA PRIVREDU (Kapitalni transferi drugim nivoima vlasti-subvencije
općinama za poslovne zone i druge projekte)
za period I – XII 2022. godine

Zenica, februar 2023. godine

**IZVJEŠTAJ O REALIZACIJI PROGRAMA
UTROŠKA BUDŽETSKIH SREDSTAVA
MINISTARSTVA ZA PRIVREDU (Kapitalni transferi drugim nivoima vlasti-subvencije
općinama za poslovne zone i druge projekte za period I – XII 2022. godine**

Izrada Programa utroška budžetskih sredstava Ministarstva za privredu (Kapitalni transferi drugim nivoima vlasti-subvencije općinama za poslovne zone i druge projekte) u 2022. godini propisana je članovima 29. stav (2) i 46. stav 1. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22, 14/22 i 18/22).

Članom 46. stav 4. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22, 14/22 i 18/22) propisano je da nadležni organ uprave godišnje izvještava Vladu Kantona o utrošenim sredstvima po programima utroška sredstava.

Izmjenom Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), odobrena su finansijska sredstva u ukupnom iznosu 1.000.000,00 KM (slovima: jedanmilijon konvertibilnih maraka) na ekonomskom kodu 615 100 (IAX007)- Kapitalni transferi drugim nivoima vlasti-subvencije općinama za poslovne zone i druge projekte.

U skladu sa navedenim Ministarstvo za privredu je donijelo Program utroška budžetskih sredstava Ministarstva za privredu u 2022. godini (Kapitalni transferi drugim nivoima vlasti-subvencije općinama za poslovne zone i druge projekte) koji je Vlada Kantona usvojila Zaključkom, broj: 02-11-11981/22 od 04.08.2022. godine.

U periodu od I – XII 2022. godine, po ovom Programu utrošena su sredstva u iznosu **864.259,20 KM** na slijedeći način:

- Za sufinansiranje troškova organizacije i izgradnje poslovnih zona na području Zeničko-dobojskog kantona, odnosno sufinansiranja troška opremanja zemljišta komunalnom infrastrukturom unutar poslovne zone, planirana su sredstva u ukupnom iznosu 1.000.000,00 KM, a utrošena u ukupnom iznosu **864.259,20 KM**, kako slijedi:

R.br.	OPĆINA/GRAD	POSLOVNA ZONA/ PROJEKAT	IZNOS ODOBRENIH SREDSTAVA /KM/
1	Tešanj	Poslovna zona "Bukva-Vila"	150.000,00
2	Vareš	Poslovna zona "Kram"	150.000,00
3	Doboj-Jug	Poslovna zona "Mravići"	114.259,20
4	Maglaj	Poslovna zona "Liješnica"	150.000,00
5	Usora	Poslovna zona "Ularice"	150.000,00
6	Breza	Poslovna zona "Šaš"	150.000,00
UKUPNO (KM)			864.259,20

Posljednjim Izmjenama i dopunama Budžeta Zeničko-dobojskog kantona („Službene novine Zeničko-dobojskog kantona”, broj: 23/22) na razdjelu 18–Ministarstvo za privredu, budžetska organizacija 01, potrošačka jedinica 0001, ekonomski kod 615 100 (IAX007)- Kapitalni transferi drugim nivoima vlasti-subvencije općinama za poslovne zone i druge projekte, planirana su finansijska sredstva u ukupnom iznosu 865.000,00 KM.

U periodu I – XII 2022. godine po Programu utroška budžetskih sredstava Ministarstva za privredu u 2022. godini-(Kapitalni transferi drugim nivoima vlasti-subvencije općinama za poslovne zone i druge projekte) utrošena su sredstva u iznosu **864.259,20 KM** i u okviru je konačnog planiranog iznosa u Budžetu Zeničko-dobojskog kantona.

MINISTAR

Samir Šibonjić